
4-10 OKTYABR KUNLARI “KEKSALAR HAFTALIGI” O‘TKAZILADI



O‘zbekiston Respublikasi Vazirlar Mahkamasining 2021 yil 16 sentyabrdagi tegishli majlis bayoniga asosan, joriy yilning 4-10 oktyabr kunlari *“Keksalarni e‘zozlash, ularga hurmat-ehtirom ko‘rsatish — xalqimizga xos ezgu fazilat”* g‘oyasi ostida mamlakatimizning barcha hududlarida “Keksalar haftaligi” o‘tkazilishi rejalashtirildi.

Xonadonlarimiz fayzi va barchamizning hayotimizda katta o‘rin tutuvchi keksalarga hurmat ko‘rsatish, ularga har tomonlama ko‘mak berish, shuningdek, ularning jamiyatdagi ijtimoiy faolligini yanada oshirishga qaratilgan ushbu haftalik doirasida joylarda qator ma'naviy-ma'rifiy, sport, obodonlashtirish va xayriya tadbirlari o‘tkazilishi belgilangan.

Shu munosabat bilan bugun 15-sonli Musiqa va san'at maktabida “Keksalar haftaligi”ni yuqori saviyada tashkil etish bo‘yicha tumanimizda istiqomat qiluvchi faol nuroniy otaxon va onaxonlarimiz ishtirokida tadbir bo‘lib o‘tdi.



Shuningdek, tadbirda tuman hokimining o‘rinbosari, Mahalla va oilani qo‘llab-quvvatlash bo‘limi boshlig‘i Z.Kamilov, Mahalla va oilani qo‘llab-quvvatlash bo‘limi boshlig‘ining o‘rinbosari J.Karimov, Sharqiy harbiy okrug ma'sul xodimlari va mahalla fuqarolar yig'inlari raislari ham qatnashdilar.

Tuman hokimining o‘rinbosari, Mahalla va oilani qo‘llab-quvvatlash bo‘limi boshlig‘i Z.Kamilov “Keksalar haftaligi”ni yuqori saviyada tashkil etish bo‘yicha tadbir ishtirokchilariga tushuncha va topshiriqlar berdi.

Tadbir so‘ngida tuman Madaniyat bo‘limi xodimlari tomonidan ishtirokchilarning madaniy hordiq chiqarishlari uchun diltortar kuy va qo‘shiqlar ijro etildi.

Qo‘sh tepa tumani hokimligi

[Bizni ijtimoiy tarmoqlarda kuzating](#)

[Facebook](#),

2021-10-04 12:17:09